

Kahlolo yeo e bonagetšego e šomile

Thero mo Mateo 26:63-66

Palo ya Beibele: Jesaya 53:1-12

Temanathero: Mateo 26:63-66

Ge re bala mo Ebangeding, re humana gore Morena Jesu Kriste o ahloletšwe lehu ke mekgahlo ye e fapanego ye mebedi. Lebakeng la pele o ile a ahlolwa ke legotla ya Bajuda, leo le tšebegago ka la Sanhedrin. Lebakeng la bobedi o ile a ahlolwa ke Pilato, letona la Roma mo nageng ya Judea, gobane mo matšatšing ao baRoma ba be ba buša naga. Mohlomongwe o tseba ka mo go diragetšego pele ga Pilato. Makgetlo a mararo Pilato o boletše gore Jesu ga a na molato. Le ga go le bjalo, ka morago a mmea molato. O dirile se gobane Bajuda ba be ba mo gapeletša. Ge a ka be a sa be neela Jesu, ba be ba tla nea lebaka ka lengwalo go ya go letona la mmušo wa Roma gore Pilato o ba hlanogetše, motho yo a ipetšago Morena, ka se Gerika ba šomiša lentšu la Kurios. Ke leina leo letona le bego le tšebega ka lona. Gomme seo se dirile gore Pilato a ka se be mogwera wa letona, ka ge a e ba kgahlanong le lenaba la gagwe. Ge molaetša wo o ka fihla ditšebeng tša letona, seo se bego se ka diragala ka Pilato ke gore o be a tla tlošwa bodulong bja gagwe ka lebaka la go se be mogwera wa letona. Gomme ka tsela yeo Bajuda ba gatelela Pilato. Ka ditlamorago tša gore Pilato a ba neele Jesu go ba bapolwa – le ge e le gore ka nako e tee o be a boletše ka bohlatse bja go sebe le molato. Le ga go le bjalo, o hlapile diatla bjalo ka sešupo sa gore madi a monna yo ga a matsogong a gagwe, empa godimo ga Bajuda bao. Bajuda ba be ba se na le taba le seo. 'A madi a gagwe a tle godimo ga rena le go bana ba rena', ba goeletša. Ka tsela yeo Bajuda ba humana seo ba bego ba senyaka.

Go fihla ga bjale ke go boditše ka ga kahlolo la bobedi ya Jesu, ye e dirilego ke Pilato, le tsela ya ditšhila ka mo e hlopišitšwego ka gona. Empa a re tšweleng pele go lebelela kahlolo ya mathomo, gobane temana ya rena e bolela ka kahlolo ya mathomo.

Tabataba: Kahlolo yeo e bonagetšego e šomile

1 Kahlolo ka moka ya bohlatse bja maaka e hlologile.

2 Kahlolo ya Jesu ka boyena e šomile

1 Kahlolo ka moka ya bohlatse bja maaka e hlologile.

Temana ya rena e thoma ka mantšu a gore Jesu a dula a homotše. Gobaneng a be a swanetše go araba kahlolo tšeo e sego tša nnete?

Empa mohlomongwe re ka be re ile: ana ga se botlaela gore Jesu a homole?

Ga re lebeleleng mohlala ka molato wo a rego o tlile go thuba tempele ya Modimo, gomme a e aga gape ka matšatši a mararo. Ana go ka be go se bonolo go Yena go hlaloša gore o be a sa bolele ka mošomo ka diatla, gore o be a sa šupe selo seo bahlakodi ba ka hlaselago tempele, empa o be a šupa tempele bjalo ka bophelo bja gagwe, gore o be a beakanya go bo gafa gomme buše a tsoge ka letšatši la boraro?

Empa ka letsogo le lengwe, ge re lebeletše se ka tsela ya Jesu: o be a tseba gore seo se tlile go diragala. O be a tseba gore o tlile go hlabiwa bjalo ka sehlabelo sa lefase. Gomme ga se a ka a thibela seo.

Lentšu le lengwe le le lengwe go i tšhiriletša ka nako ye e ka ba le legolo. Ge a ka be a nyaka go itokolla go be go hlabiwa bonolo go yena go dira bjalo, ana o be a se na mangeloi a dimillione ao a ka kgonago go mo lwela?

Ka botlalo, ge a ka be a lekile go itokolla gona diabololo a ka be a fentše.

Bjalo ka ge Sathane ka boyena a ile a leka nako ye e fetilego, ge a be a leka Jesu mo lesokeng. Le ka nako yeo Jesu o ile a fenywa diabololo. Bjale, ka nako ye, Jesu o be a lebeletše thato ya Modimo, Tate wa gagwe. O be a tseba gore ke thato ya Tatagwe gore a hlokofofatšwe. O be a tseba gore thato ya Tatagwe gore dinyakwa tša gagwe ka nako ye ga di bohlokwa, empa fela go lebeletšwe

badiradibe. Gomme ka lebaka leo o be a ikemišeditše go tšea tsela yeo. O ile a se ke a thibela seo. Go fetiša mo, o ile a thuša le baahlodi, Sanhedrin, go humana bohlatse kgahlanong le yena.

Mo temaneng ya 59 re bala gore baperisita ba bagolo le legotla ka moka la Sanhedrin ba be ba nyaka bohlatse bja maaka kgahlanong le Jesu gore ba kgone go mo ahlolola lehu. Empa ba se ke ba humana selo. Re se lebale labaka la gore go lekilwe dihlatse tša maaka tše ntši. Go a makatš! Gobane ga re bolele fela ka dipego tša nnete – seo se be se sa kgonege le bjale. Ba ile ba tšwela pele go humana bohlatse bja maaka, gomme go fihla ga bjale go sa le bothata go ka mmega molato. Dihlatse tše tša maaka bontši e be e le banna ba bjalo ka Judase Isikariothe. Ba bantši ba be ba rekwa ke Sanhedrin, bjalo ka ge ba dirile ka Judase. Ka nnete, baSanhedrin ba be ba sa hloke tšhelete ya go reka batho. Ba be ba na le mokgwa wo o ka rego ba ka humana tšohle bophelong gobane ba na le tšhelete! Ana go bjalo? Gore bao ba nago tšhelete, gore ke bona ba lebelelago seo e lego nnete le maaka? Ka morago ga matšatši a se makae re bona gape gore ba na le tšhelete e ntši ya go reka mašole ao a bego a dišitše lebitla, gore ba ye ba bolele maaka gore Jesu ga se a tsoga, empa barutiwa ba gagwe ba utswitše mmele wa gagwe.

Go boela mo temaneng ya rena, gabotse go be go se bonolo, gobane ba be ba na le tšhelete e ntši, empa ba be ba sa tšwelele go humaneng melato kgahlanong le Yena. Le ga go le bjalo bofelong go bonagala nke o mongwe wa melato wa bona e a tšwelela. Banna ba babedi ba ile ba tla pele ba bolela: 'motho yo o re: Ke kgona go thuba tempele ya Modimo gomme ka e aga gape ka matšatši a mararo.'

Gomme baetapele ba Bajuda ba lebelelana gomme ba sega ka gogolo: re agile tempele ye ka mengwaga ye masome nne tšhela kgale, bjalo monna yo o tliile go ithuba a e aga ka matšatši a mararo? Ga go kgonege. Gomme polelo ye ya lebelegega nke e tliša dihlaselo tša bahlakodi! Gomme ka lebaka leo re ka kgona go mo ahlola! Empa go ya ka tshepedišo ya molao ba ile ba neela Jesu sebaka se go araba kgahlanong le melato yeo. Yo a bego a begwa molato o be a bitšwa, bjalo ka ge molao o bolela. Go dirwa bjalo fela, gobane gabotse ba be ba sa ikemišetša go theetša Jesu leganyane. Empa re bona gape gore Jesu o a homola. Gobaneng? Gobaneng a se a ka a itshiriletša? Seo re tliile go se bona mo karolong ya bobedi ye thero.

2 Kahlolo ya Jesu ka boyena e šomile

Baperisita ba bagolo ba ile ba galefišwa ke seo, gobane ba sa ka ba kgona go ahlola Jesu, le lebaka la gore Jesu o ile a homola, go bonagala e ke yena, mmegwa molato ga se a ka a dumelelana le bona. Empa re tliile go bona ka bonako gore Jesu ka nnete o ile a dumelelana le bona. Jesu o ile a homola, e se lebaka la gore ga a dumele seo o be a nyaka gore bohlatse bjo ba maaka bofete ka pele, gore ba tle ba kgone go fihla go lebaka la maleba la nnete la kahlolo! Bjalo ka ge ke boletše, Kayafa, moperisita e mogolo, o ile a tshwenyega gagolo. Gomme ka hlakahlakano ya gagwe o dumelela se sengwe le se sengwe seo se tšwago go batho ka moka ka nako yeo. A goeletša a re: 'Ke go bega molato godimo ga bohlatse bja Modimo yo a phelago: Re botše ge o le Yena Kriste, Morwa wa Modimo.' Gomme Jesu o be a swanetše go ikana ka bohlatse gore ke Yena Kriste, seo se ra gore motlotšwa yo a rometšwego go tšwa go Modimo legodimong. Le gore, ke Yena Morwa wa Modimo seo se ra gore le Yena ke Modimo.

Ana re bona eng bjale? Re bona phapang go tloga go seo re se bonego go fihla ga bjale. Gobane ka bonako fela Jesu ga se a hlwa a homola gape. Ka bonako o ile a neela karabo. Nke nako ye ka moka o be a emetše gore potšišo yeo e fihle. Gomme ka nnete ye ke potšišo yeo a bego a e emetše. Dilo ka moka e be e la fela go bolela ga batho. Empa potšišo ye e be e le yona ya go šoma! Gobane ka lebaka le o be a tliile go hlokošetšwa! Gomme Jesu a araba Kayafa: 'Ee, go bjalo ka ge o boletše.' Kantle le go dikadika: Ee, go bjalo ka ge o boletše. Gomme go hlokomologa gore ba kwešiše, Jesu o a tlaleletša: empa ke re go lona ka moka: mo nakong ye e tlogo le tliile go bona Morwa motho a dutše ka letsogo le letona ya yo maatla ka moka gomme a e tla a theoga ka maru go tšwa legodimong.' Ga go karabo yengwe yeo e ka bego e le bonolo go feta ye. 'ka letsogong le letona la Modimo.' Seo se ra gore, maemo ao a lekanago le Modimo! Gomme 'a e tla ka maru go tšwa legodimong.' Bjalo ka ge ba be ba lebeletše Modimo go tla bjalo ka letšatši leo le bitšwago

la Modimo, ka bohlale a re, Jesu, o tlile go tla ka maru a legodimo. Gape, seo se be se ka se sebe bonolo. Potsišo ya Kayafa a arabilwe. KE YENA KRISTE, MORWA WA MODIMO.

Bjale maikutlo a moperisita o mogolo a bjalo ka ge a be a lebeletšwe. A gagola diaparo tša gagwe – maikutlo a go se dumele a magolo matšatsing ao, maikutlo a di makatšo tše kgolo – gomme a goeletša a re: O boletše tša bohlola! Ana re sa nyakela eng dihlatswe tše dingwe? lebelelang, bjalo le kwile bohlola? Ana le gopola eng? O LEBANE LE LEHU. O itekanya le Modimo.

Go e boeletša, mo karolong ya bobedi ya thero re bona gore dikahlolo tša Jesu ka boyena di šomile. Go be go sa hlokege dihlatswe tša maaka tše dintši. Seo Jesu a se boletšego, se be se le ka ne go ka mo ahlola.

Bjale nke ke botšišeng: ana bohlokwa bja se ke eng? Go ka thoma: re a tseba gore seo se feletše kae. Jesu o be a le tšeleng go ya go hwa sefapanong. Gomme Jesu o be a šetše a tseba seo ka lebaka le. Empa a sa lebelele selo, Jesu ga se a ka a thibela seo. Go bolela ka botlalo, o ile a tšea karolo mo lehu la gagwe. Bjalo ka ge re badile porofeto go tšwa pukung ya moporofeta Jesaya ka ga Jesu: 'o ile a hlokofatšwa, gomme a thungwa, empa ga se a ka bula molomo wa gagwe, o išitšwe hlabong bjalo ka nku, gomme bjalo ka nku ye e ikhomoletšego pele ga babolai, ga se a ka a ahlamiša molomo wa gagwe' (Is 53.7). O ile a bofsa matsogo a se ke a thibela seo. O thušitše Sanhedrena go humana bohlatse kgahlanong le Yena. Bofelong o ba neile kahlolo ye e šomago.

Go buseletša: ana bohlokwa bja se ke eng? Mo go se, bana bešo, re bona gore Morena Jesu o na le maatla ka moka. O be a laola tšohle, le ge e le gore moperisita o mogolo Kayafa o be a gopola gore ke yena a dirago bjalo. Jesu o ile a sepediša ka go homola dilo tšohle ka tsela ya maleba. Motsotso wo a thomilego go bolela, kahlolo e ile ya bonagala bonolo. Go batho ka moka go be go swanetše go ba bonolo gore gobaneng a hlokofatšwa. Gobane ka lebaka la gore KE MORWA WA MODIMO, KE MODIMO KA BOYENA. Le ke lebaka la gore gobaneng a ile a hlokofatšwa, ka gobane a le eo e lego sona. Gomme go araba ga baperisita ba bagolo le baSanhedrina ba ile ba nea bohlatse bja se.

Go ka e thalela, bana bešo, ye ke temana ye bonolo mo Beibeleng yeo e re laetšago boModimo bja Kriste. Ge e mongwe wa dipaki tša Jehova, goba le moseleme, goba mang le mang, yo a nyakago go go botša gore Jesu ga se Modimo, o mo šupetše lengwalo le. Mo temaneng yeo Jesu a neelago karabo ya maleba a arabago potsišo ya gore e ka ba ke Morwa wa Modimo. Temaneng yeo Jesu a bolelago gore o tlile go dula ka letsogong le letona la Modimo. Temaneng yeo Bajuda ba mohlakofaditšwego ka lebaka la gore o ipitša Modimo. Jesu o ile a hlokofatšwa ka lebaka la seo a lego sona, Morwa wa Modimo, Morwa moratwa wa Tate. Hlokofatšo ye e be e le ye nnete ka botlalo. Le ga go le bjalo, ka nako e tee, Jesu o be a sena molato le o motee. Hlokofatšo e be e le ye nnete, empa o be a se na molato. Bjalo ka ge a be a le: motho wa nnete a sena sebe, ka nako e tee, e le Motlotšwa wa Modimo. Ka polelo ye, ba ile ba ganetša mmoleledi, Mophološi, yo a rometswego ke Modimo wa Aborahama. Kriste o dumeletše se go diragala. Gobane o be a tseba gore ye ke tsela ya gagwe ya go sepela.

Gomme bjale se ke boteng bja molaetša wa temana ya rena, bjo ke nyakago go fetša ka bjona. Jesu o dirile se go tšwa thatong ya gagwe. O dirile se ka lebaka la ka le wena! O ile a gafelwa lehu mola a se na molato, gore re tle re boelane le Modimo. Ka se o tšere thogako yeo e bego e le mo go rena, o tšere thogako yeo a e bea magetleng a gagwe, gomme a tšea dišhegofatšo a di bea go rena. Gomme ka lebaka re keteka Paseka (Good Friday). Bjalo ka ge Jesaya a porofetile ka yena: 'Anthe o hlabilwe ka baka la dikarogo tša rena; o tlapirigantšwe ka baka la makgopo a rena. Kotlo e wetše yena godimo, gore re bone khutšo; ra tlelwa ke go fola ka dintho tša gagwe.' (Jes 53:5)

'Hleng o kgaotšwe nageng ya ba phelago ka baka la karogo ya setšhaba sa ka, kotlo e lebane sone.' (Jes 53:8)

'Gomme Morena o ratile go mo šilakanya ka mahloko.' (Jes 53:10)

'O tlo di bona ka tapišego ya moya wa gagwe, mme a hora. Yena mohlanka wa ka moloki, ka tsebo ya gagwe o tlo lokafatša ba bantši, mme molato wa bona o tlo rwalwa ke yena. Ka baka leo ke mo nea kabelo mo go bagolo, bagale e tlo ba thebola tše a tlogo di abaganya; ka gobane o tšholletše moya wagwe mo lehung, a balwe le badiradibe, a rwala dibe tša ba bantši, a humela baarogi.' (Jes 53:11-12).

Bana bešo, a re se ke ra emiša go bolela ka Yena! Ka nnete, lefase le ka se emiše go bolela ka Monna yo. Lefase le ka se emise go mo khunamela le opela dipina tša tumišo go Yena, gomme rena le bana ba rena re tlile go tšwela pele go mo phelela, go mo tumiša, le go roriša leina la gagwe go fihlela letšatši leo a bo a go ka lona ka maru a legodimo!

Amene.